



31-05-2018

Inatsisartut Suleriaasianni § 37 imm. 1 naapertorlugu Naalackersuisunut apeqqut imaattoq matumuuna saqqummiuppara:

Naalackersuisunut apeqqutit:

1. Angajoqqaat avittussanngortut assortuussutigigajuttarpaat kiap sorliup angajoqqaatut oqartussaaneq tigussaneraa. Pisartut tamakku eqqarsaatigalugit aalajangiisarnert qarnormita agguataaqqappat? Pisuni qanoq amerlatigisuni: Angajoqqaat tamarmik oqartussaaneermik tunineqartarpat? Anaanaq angajoqqaatut oqartussanngortinneqartarpa? Ataataq angajoqqaatut oqartussanngortinneqartarpa?

2. Apeqqummut 1-mut akissutit tunngavigalugit Naalackersuisunut nalileqquneqarpoq, naapertuilluartumik agguaneq pisarnersoq, suaassutsit assigiimmik pineqarnissaannut anersaaqarneq tunngavigalugu?

3. Naalackersuisut suliamut tunngatillugu allanik soqutiginaateqarsinnaasunik paasisutissiisinnaappat? (Inatsisartunut ilaasortaq Niels Thomsen, Demokraatit)

Tunngavilersuut

Suaassuseq tunngavigalugu immikkoortitsisarneq kukkuneruvoq akuerineqarsinnaananilu aamma inuiaqatigiinni nutaaliaasuni pisariaqanngilaq. Kikkut tamarmik assigiimmik pisinnaatitaaffeqartussaapput.

Qularutissaanngilarli, annermik arnat - paasisartumik - suaassusertik pissutigalugu immikkoortinneqartutut misigisimasarmata, angisuumilli tamatumap isiginiarneqarneranut pissutaavoq angutit angutaanertik pissutigalugu immikkoortinneqartarnerisa oqallisaavallaannginnera.

Matumani immikkoortumi suliaasaq tiguneqartariaqartoq tassaavoq angajoqqaatut oqartussaaneqarnerup tunniunneqartarnera. Uanga malugisimavara anaanaq akulikinnerusumik angajoqqaatut oqartussanngortinneqartartut suliani angajoqqaat isumaqatigiissinnaasimatinnagit. Apeqquteqarninni uppernarserusuppara malugisimasara iluoornerisoq.

Apeqqutima piffissarititaasut ullut qulit iluanni akineqarnissaat kissaatigaara.